

芹山先生集敘

賜進士及第翰林院編修文林郎門人慈谿袁

夫詩若文殊適而同言是故言


言成聲

之謂詩成章之謂文二者皆仁人學

士摘精英流名實所藉以載勛德於

不朽者是故作者章志觀者采焉神

解妙悟天地之玄藏可窺已宵雅壇



滅經教彫敝而拘學卑論每沉溺見
聞顧俾韶護元聲消鳴罌詭典墳爾
雅綺蔓者譁焉噫中材涉叔世之末
流愴然視詩文之耻莫為之振其阨
塞何可勝道哉近世儒者乃能越拘
攣游昭曠思恢復廓清其疵翳斷然
肆之言曰詩自三百篇以降當取準
於魏晉唐不魏晉唐不詩文承六經
殘缺貴折衷於秦漢不秦漢不文夫
上下三代所少非詩也而浸淫弗軌
捐秦漢之餘以文顯者接迹然皆撲
斲以撓其自然故知言者弗稱焉吾
師芹山先生陳公聲華勛烈燔焯海
宇自癸未蹕絕南宮迄于茲若干年

矣其宣猷載采在郎署其異政周澤
蕃植蒼黎在博平其端範貞教樹藝
英賢殷燿觀天下在兩涘其藩屏方
岳綏化糾慝蒸蒸然負宰輔端揆之
望在陝若齊魯之墟茲並將登鼎彝
光燦春秋無庸置論列矣獨其撫時
感物激潤敷華見諸詩及文者海內

雖飫知其膏美而共歎其不多見歲
壬寅秋八月公以梓帙自山東馳惠
門下士焯焯受而誦讀之於詩則得
其胸而婉澗逸而防優夷雋永而不
偏於文則得其闕而弗溢竒古而冲
雅和易而思乃矍然曰美哉洋洋乎
其魏晉唐之響秦漢氏之作乎梓於

今施被於天下其必傳楷來禊無疑也夫雲縑霧縠色入於玄太羹明水味歸於至黃鍾大呂聲妙於元荆璞隋珠光韜於潤四者詩若文之真境也徧觀斯集兼而有之公之所奕載於不朽者豈顓德業之滋豐已耶煒敢以是弁諸簡端用諭于同志者

嘉靖二十一年歲在壬寅秋八月之

吉

芹山先生詩文集敘

賜進士及第翰林院修撰儒林郎門人錢塘茅瓚撰

昔我芹山夫子督學于浙三年暇則
進諸生于庭而詔之曰二三子志之
惇雅黜浮文之經也著誠宣鬱詩之
教也維詩若文弗詭於六經學之程
也歲戊戌瓚承乏詞林日惟先生之

訓是稽而未始有得越四年于時先生藩屏東土始出手集詩文稿二帙馳示迺獲拜觀之作而嘆曰休茲昔先生之訓豈欺我哉夫六經尚矣秦漢去古未遠猶能貫穿墳典勒成一家之言類為文人學士所宗述晉魏以還下逮盛唐之際以詩賦造士故

多專門而聲律之學於是為盛是故論文者首意義而次辭華談詩者先風骨而後音律昔人用是為正法眼吁亦知言哉我師片山先生夙以古道飭躬蓋不欲顛以文辭表見者然充養之粹以時出之而辭意所極莫不川湧雲蒸星披月燦是故吾讀其

文焉覈而葩綜而有制華而不靡有
虞夏殷周之遺意矣吾讀其詩焉諷
而有體和易而能思冲邃而弗偏其
澗澗乎大雅之餘韻乎或曰是詩若
文之集足以盡先生之蘊也乎曰未
也往余聞先生居郎署時即載采有
聲已而出釐劇郡為二千石之良已

而又晉秩臬若藩之佐之長轍跡半
天下其經緝昭布敷而為遠猷者孰
非文其惠思浹洽而為厓庶歌舞者
孰非詩獨此也哉然自吾浙有先生
而古道于是一復矣何也音樂淫雅
必師曠能審其聰而宗匠之能引繩
墨於不廢者以斲輪之法獨得之於

心也史稱歐陽公典文衡力去鈎棘
而士風丕變然要之歐陽公之集具
在其自作為文辭以表率天下何如
也今讀先生之詩若文則向所以詔
二三子者夫豈徒哉瓚不佞敬敘之
簡端用昭我師嘉惠後學之意云

嘉靖壬寅秋九月朔旦

芹山先生集序

賜進士及第翰林院編脩文林郎門人餘姚胡正蒙撰

芹山先生集集先生所著爲文也嘉
靖乙卯冬正蒙北上過淮先生出以
授蒙且命之序序曰昔孔子有言言
之弗文行之弗遠大哉文乎所以明
道宣猷彰教揆政闡德性之蘊植民

物之紀者也唐虞三代六經載籍之
傳文質彬彬言爲世則茲可徵已而
論者則曰太上立德其次立功其次
立言以文爲藝乃末視焉標正之旨
其何爽與德不能玄默以獨善功不
能徒法以自彰固異用而同原均稱
不朽胡可偏廢也自文學之士垂空
言以名世而不達於政甚則靡麗雕
模競相效述而悖德彌深陵夷衰微
千載不振此無他忽師承於前沿俗
尚於後耳起衰剗習匪存乎其人哉
我師芹山先生以宏博之才覃於六
籍潔身脩德究聖賢之壺奧而明習
政理以經濟爲已任始仕郎署即抗

疏言國計五事聲稱籍甚比擢守東
郡董學兩浙爲觀察使爲方伯于秦
于齊魯爲太僕爲奉常爲少司徒于
留都入佐刑曹巡邊徼晉御史大夫
出總漕政諸所敷歷必有敷陳著述
皆究極弊端明國家大體時用之宜
故于理財疏于漕運疏見裕國之猷

焉于禦倭疏于行邊錄見弭患之術
焉以蕃牧可資戎務則疏馬政以蠲
稅可蘇民生則疏救災以平賦可安
流離則議均田以明法可肅吏治則
諭憲宜憫窮而祈雨有文亨困而感
遇有記崇德景行而孔林有詠考亭
有祠端範作人而學政有紀南雍有

錄閔言崇議大篇小詠不事雕模組
繪而古雅醇正根諸道德本之性情
發於事業摘華悖實足以裨國是而
揚鴻烈炳乎卓哉君子之格言也傳
於當世固能丕振頹風遺之後來必
將昭垂不朽矣蒙爲門下弟子被教
最深邇承面命獲覩著作之全猶兼
彙次篇章校飭厥義垂之無窮後有
知言者得以覽焉

嘉靖三十五年正月望日

芹山先生集序

賜進士第奉政大夫刑部山東清吏司郎中門人鄆南吳維嶽謹撰

傳曰言中其聲者謂之端言不中其聲者謂之窾是故聲與實相麗以成言也文若詩言之著也彼其著而不麗於實則所謂空言無補而枝葉以兆舛世雕蟲以愧壯夫者也秦以降

作者鏤琢羣品綺繪萬象草輒充棟
非不富且工覈其歸存介於事用者
微矣故即含筆腐毫十年就賦蔚為
詞宗若相如太冲之流亦不免所譏
麗以淫也雖多奚為乎嘗睹兩人治
家者一人課織程瑣凡耰器儲甌麻
縷錢貫與晦壤境腴僮指勤惰每目
注而心營之而日籍記焉一人則姍
笑之曰此何足嬰吾神也廼習為池
臺狗馬珍卉竒石古物貝玩諸以眩
遊冶之觀而窮其飾者亦每目注而
心營之而日籍記焉此之所以薄彼
者為其無華耳然有遇考家政自蕭
者則必向耰器儲甌麻縷錢貫晦壤

片山集序
十二
僮指之籍按而求之廼知彼之不可
薄而此為無用也我


師芹山先生陳公集若干卷凡序記
疏議公移及札及詩詞皆在焉先生
舉禮闈第六人由戶曹郎守東郡擢
一視兩浙學政遷轉藩臬莅陟卿貳總
一憲晚復以

廷推出閱邊徼董漕運咸稱重寄云先
士中路嘗以註誤躑躑而復起前後
敷歷民社事功之司幾遍焉而此其
敘進大都也故觀是集也慎保牧則
宣惠恤而賑灾恤作學校則崇名節
而黜浮誇經錢穀則綜繁雜而剔根
源籌甲兵則汰疲冗而嚴屯練以至

挾官箴詳獄比勸風俗宏築建其條
而析也若引繩於網離然參伍以相
前而無不理也其策功而中慮也若
投杵於白衆手交之而無不當也其
所為詩詞則又采物陳規抉寫胸臆
誦之如遊淳朴奧區拊懸厓霜幹相
倡和而風雲月露輕靡之狀一不胥
乎其間蓋先生以其身所嘗勞者敷
於文以其情所獨切者摠於詩勞思
善後文因以贍而明也切欲喻人詩
因以質而顯也茲豈可與摹擬體裁
剝綴韻響哀為縟篇曷牘以竊價藝
苑者同年道哉先生謂維嶽曰余集
無華噫用世者而志於華也已矣苟

其視國事如家事將庸心於耨器儲
甌麻縷錢貫晦壤僮指之實而日省
月試有不起而求諸先生之集者其
誰哉求斯愛愛斯傳孰華如之維嶽
於是敬書其首曰是集也言中其聲
先生端人宜有端言也

嘉靖丙辰十月朔



先公文集小紀

先大夫芹翁府君天資警敏博學多聞自弱冠
時肆力舉業即旁通古作第恐有妨經學一意
禁之迨壯年登仕留心政務又不專事紀述敷
歷四十年轍迹半天下凡登臨遊覽意興所到
每有題咏倡和及應酬贈記交遊辭命蒞官疏
檄諸作甚多鮮有存稿兼以遷居南土書笥散
遺諸兄蚤亡未及承述不肖龍生于先公之暮
年故凡先公平生擇師取友出處交際幼學壯
行居官治家之事不逮早親見之嘉靖壬子歲

公宦南都龍始束髮搜檢篋中凡有稿劄即爲輯錄久而成帙因有舊刊詩文二稿可附于後爰請於先公公堅不允龍曰不傳是也獨不以遺子孫乎竟私刊之旋以馳驅南北倥偬未就仕途知舊索之者多媿無以應也適緣南省多暇躬取校閱則見其篇什次序多有繁錯亟欲重刊而力寔不能姑就原本勉爲訂正并以先公遺事附之分類爲卷奏疏五序記四志狀祭文四詩詞六書劄二公移九附錄四總凡三十四卷爲八冊名曰芹山集外有行邊漕運二錄

凡四冊浙考錄南雍錄讀史歌求正錄凡六冊總彙成書謹識于後竊念龍質賦中人亦可向上先公時屬望之詎意少年暴棄今已無聞株守寒樞終無所樹以繼述先志而先公之遺跡在四方者亦竟不能縱遊而追訪之殘缺莫補徒抱未歎今姑自有知以來得于聞見并詢訪舊人叅以事蹟苦心竭慮忖憶考徵得其大都畧識一二以備家乘用示子孫使得宛然如睹先祖之平生油然興孝敬之念而起夫似續文獻之心則庶乎冀是諸編之有補焉耳如其踐

履未詳甲乙訛舛蓋由不肖生晚早孤所遭不
穀覽者幸垂諒焉至于先公之人品功業文章
政事賴有諸名公論之詳矣不敢妄贅其集之
傳與不傳亦非不肖之所知也知識寡陋纂輯
無章則龍不學之罪其奚容辭

隆慶歲在己巳孟秋吉日

文林郎督府都事不肖男一龍稽顙百拜謹識

芹山先生文集目錄

卷之一

廷試策一道

遺像并贊

奏疏

監督收放糧斛禁革奸弊事 凡五條

戶部奏畧 凡四條

差官踏勘地土事

十分水患災傷懇乞

天恩分帑賑救以全民命事

乞 恩旌表節婦以勵民風事
乞 恩優禮大臣以勵風化事

卷之二

奏疏

請因撫臣條陳地方事宜以紓民患事
比例分豁地土均平糧草事
地方連歲水旱乞

恩曲賜蠲免以惠小民以固邦本事

卷之三

奏疏

陞南京戶部侍郎謝 恩事

申明舊例查叅部糧官員以重 國計事

歲用不敷乞為查催逋欠錢糧裁抑冗濫以紓

國計事 凡四條

糧長勘合事

給由事 附

防禦倭寇事

乞改 誥命事 附

卷之四

奏疏

自陳不職乞 賜罷黜以嚴考察事

欽賞銀幣謝 恩事 二疏

代人辭司空疏

衰病乞休事 二疏附

卷之五

奏疏

申明 成憲以修馬政事 凡六條

卷之六

序

南雍錄序

浙江鄉試錄序

同年序齒錄序

贈大學士石門翟公行邊序

陝西都察院題名後序 王端溪先王集序

陳大竹先生集序

陝西奏議序

兩浙鹽政志後序

周禮句解後跋

拘虛集後跋

讀史歌小引

卷之七

序

贈禮部尚書王公入 賀序

壽宮保鳳翁泰公七十序

壽封學士許翁九十序

贈大司徒端溪王公七十序

贈西墅任翁壽序

贈邵石峯擢京兆序

贈萬石梁擢閩方伯序 贈焦黃山擢參閩藩序

贈張五山兵憲入陝序

贈底河曲擢山東參政序

贈張諫議擢江西參議序

卷之八

序

贈憲長萬石梁入 觀序

贈溫子僉憲河南序 贈范子僉憲滇南序

贈張子出守武昌序 贈栗子守陳序

贈宜興令王子入 觀序

贈林進士宰臨川序 贈羅進士歸娶序

月波輓詩序 蛩吟集序

求正錄序

卷之九

記

光嶽樓記 杭州右衛進士題名記

科第題名記 歲貢題名記

喜雨亭記 西淙草廬記

廬陽喜雨記 察院開渠記

感遇軒記 二范遺愛堂記

卷之十

誌狀

明進士文林郎萊陽縣令李公墓誌銘

明 敕封孺人鄭母歐陽氏墓誌銘

明 誥封宜人華氏墓誌銘

明奉政大夫德州知州王公行狀

卷十一

祭文

奉安考亭先生于洞霄宮文

留都祈雨文

謝雨文

辛卯祈雨文

癸巳祈雨文

謝雨文

祭社稷文

祭武安王文

謝雪文 二章

山東祈雨文

卷十二

祭文

祭座主西原薛先生文

祭翟石門閣老文

祭李杏岡尚書文

祭楊五華尚書文

祭張敬亭都憲文

祭王江涯侍御文

祭任樵巖侍御文

祭朱正郎父文

祭張朴莊先生文

祭任侍御父文

祭硯莊葉先生入名宦祠文

祭刑部楊主政文

祭尚寶白洛原文

祭王順渠先生文

祭蔣進士母文

祭王少叅母夫人文

卷十三

祭文

壬辰祀祖文

丙申焚黃文

祭先考文

戊申祀祖文

庚戌祀祖文

祭亡妻文 二章

祭六弟文

祭亡兒一鷓文

祭歐陽母太夫人文

祭王冬葵侍御文

祭謝西巖兵憲文

祭徐封君雲谷文

卷十四

詩

贈司寇見素林公歸隱

東林懷古

與友人王子維垣呂梁贈別

贈元老石門翟公行邊

恭和

聖製郊祀賜輔臣詩

過沛有感

過峽石

讀蘇武傳

泰山書院

至寧陽將謁闕里阻雨

過濟寧有感

廬山漫興

武穆祠吊古

別湖山詩

西征篇贈李恭川僉憲平寇

贈友人吳子醇出宰

題鄭侍御母貞節

題方侍御草心堂卷

七夕

獲麟渡吊古

風雷篇登泰山有感

贈顏司寇陞南大宗伯

贈邊司徒陞南大司寇

晉陽行送賈晴原巡撫

題栢林書屋

輓卧白山人

悲窮

甘棠篇贈太守金前涼擢江西憲副

卷十五

詩

延州有懷范老

鄒平喜雨

渡江阻風

春日紫雲洞訪道不遇

題月泉

龍潭次陽明先生韻

四首

遊金焦山

題白雲洞

湖上與龔殿撰同遊

登瑪瑙山

春日泛湖

四首

曉行

二首

登蟾底領

秋樹

秋陽

夜行

送馮南江侍御謫嶺南

二首

偕同年周葑厓登莎坪

二絕

晚宿山寺

二首

題居然亭

二首

贈友人王明輔

二首

贈任樵巖侍御

二首

懷友人詩

登廬山

觀天池

遊賈島峪

二首

卷十六

蚤朝

春夜集徐少湖磨

贈別張五山年丈入蜀

登泰岳峯

登勝果寺

四首

瑪瑙山獨坐

登天目山有懷高給舍

孤山見梅

贈方少叅之閩

岳廟讀滿江紅詞有感

贈張水南學士使楚

虎跑寺有懷金內翰

望固原

望首陽山

過孟縣次壁間韻

河內即事

寶叔塔次包侍御韻

二首

豐樂亭次歐陽公韻

二首

宿木蘭寺 四首

過雲巖

登盤山嶺

薛村見牡丹

義合驛次韻

贈蘇別駕

洛川卧病有感 二首

卷十七

詩

岐山春日

開城新麥

午日侍石門閣老行邊時北虜來降詩以紀之

九日陪南川中丞登月宮寺 二首

聞笛 登關山嶺

過交河 次荆門有懷樵巖

春日泛湖次同年姚殿撰韻 二首

過老子宅 題王喬洞

觀窰 郊行

原州夜行 登北山寺

瓦亭阻風 鶯池次謝眺溪兵憲韻

登樓 登王母宮

登子午嶺 望華山 二首

登閣憂旱

直羅吊古次五華尚書韻

途次有懷石門相公

曉出清澗

二首

延川道中

月夜得

二首

寧塞侍石門燕集

宿華池驛

濟寧晚渡

過磨盤山

壽督府劉松石

二首

再過延川有感

卷十八

詩

九日登月宮寺次晉溪太宰韻

東行偕同年周莓崖兵憲登嶽廟

晚渡雲臺觀

登回山

奉送石門相公行邊

二首

元日秦府朝闕因宴賦此

對竹次韻

登鎮朔樓次楊邃翁韻

二首

謁孔林

入關次楊邃翁韻

奉別張南溪總憲貴州

交河遠眺

邠州懷古

偕謝兵憲楊總戎登鎮朔樓

鳳陽望

皇陵有作

過淮有懷同年劉尹

曉度關山望滁陽

懷瑯琊山

卷十九

詞

和總制楊南澗先生行邊

十首

鷓鴣天

滿庭芳

念奴嬌

少年遊

宴清都

對芙蓉

浣溪沙

南鄉子

蘇幕遮

臨江仙

卷二十

書啓

崇儉議啓

祈壽文啓

上座主薛西原先生

再上西原先生

謝許龍石學士祈雨文

寄穆玄菴太史

祈龍石學士光嶽樓記

祈楊太史題名記

寄京中諸老議慶錢糧

二啓

與彭草亭督府論兵

與徐少湖閣老

與歐陽南野宗伯

與朱南岡先生

與王順渠司成

與屠竹墟中丞

與翁孟山中丞

再與翁孟山司馬

與蔡可泉中丞

與許龍石學士

與邵石峯中丞

與唐荆川翰撰

與米兩崖同年

與馮貞所方伯

與曾前溪中丞

與陳少岳太守

謝王槐野宮諭

與張水南學士

與趙侯齋同年

二啓

卷二十一

啓劄

與白氏納徵啓

復梅氏納采啓

與沈氏納采啓

會親小啓

請三代 誥命行實

三啓

乞崇明祀以勵風教啓

卷二十二

公移

東魯治郡

申明禁約以圖化理事

凡八條

廣詢訪以修政務事

凡七條

卷二十三

公移

巡視海道

踈通水利以拯民困事

申明 敕諭以保安海洋事

考選軍政官員事

議築堤以防民患事

嚴禁多收以勵官箴事

清審獄囚事

出巡清完錢糧事

節財用以蘇民困事

出巡伸理冤枉事

正貪酷以勵庶官事

卷二十四

公移

兩浙督學

學政事 凡十五條

申明 敕諭以一事體以正士心事

申明 敕諭以重講武事

明義利以正士風事 崇德行以勵士風事

歲考事 學政事 凡二條

駁儀賓王謹入忠節祠配享方正學稿

卷二十五

公移

河西分守

計處邊防以答 聖慮事 凡十條

欽奉 敕諭事 凡二條
申明律例以督 國儲事

卷二十六

公移

關中總志

申明憲綱以肅吏治事

問擬邵陽縣官罪狀

參呈榆林總兵罪狀

禁諭酷刑官員以重民命事

表遺賢崇祀典以勵風化事

禁遊蕩以正士風事

卷二十七

公移

東省藩宣

陳愚見安地方以固城池事

及時平糴以廣儲蓄事 僨運糧儲事

及時平糴以備荒歉事

卷二十八

公移

青州兵備

欽奉 敕諭事

禁諭發礦事

地方諭盜事

慎重刑獄事

欽奉 勅諭操練民兵事

地方禁約事

朝 覲考察賢否事

卷二十九

公移

南京尚寶

查復舊規以重 國符事

申重 令牌事

慶 賀事

卷三十

公移

南京國學

欽奉 聖訓事 凡十條 講章 凡四章

卷三十一

附錄贈言

贈守東昌序

武城縣新建生祠記

生祠祝文

懷思惠政請立生祠引

贈司徒考滿奉

詔改北曹序 凡五章

卷三十二

附錄贈言

詩并序 凡二十章

詞并引 凡六章

卷三十三

附錄卹典

陳情比例懇乞

天恩俯賜贈謚祭葬疏

禮部覆題疏

工部題造墳工價疏

吏部題贈官疏

吏部題 誥軸疏

誥命一道

諭祭文二道

卷三十四

附錄遺述

墓銘

行狀

芹山先生小像



象贊

像贊

爾之貌也癯癯爾之步也徐徐爾之
辭也訥訥爾之思也于于叨三

命而循墻莫避誓一節而砥礪匪渝蕭
然環堵進退是廬宇宙內事曷能卷
舒噫子其為樸樾之質章句腐儒而

區區守株者耶

芹山自題

皇帝制曰朕惟自古帝王欲成天下之治必順時揆事創
制立法以盡天下之務顧世有升降而政之因革隨之
唐虞三代所以致雍熙泰和之盛早然可為萬世法程
者且載諸經始舉其大者論之如定禮樂明律曆疆理
宇內設文庶官分田制賦興學校士與夫選舉考課之
法兵戎刑罰之制其建立者未推行有序可歷指其實
而言之歟後之稱善治者曰漢曰唐曰宋其創業守成
亦多英君誰辟而考其治功所就終不及於古何歟豈
致理之道固不專恃於法制歟嘗觀先儒之論有曰善
為治者必先有綱紀以持之於上而後有風俗以驅之

於下信斯言也則君臣之間轉移振舉宜莫急於此者
三代而上無容議已自漢以來綱紀之張弛風俗之醇
雜亦有可言者歟抑斯二者相因而成又豈無所自歟

太祖高皇帝肇造區夏制定宏規

太宗文皇帝中靖家邦承述大統

列聖相承監于

成憲蓋隆丕格百五十餘年道洽政治蓋濶幾古帝王之

盛唐則守

祖宗鴻業抑瞻億兆夙夜祇畏圖新治理而績效未臻和

氣未應其故果安在歟夫事必稽諸古而後有以驗夫
因革之宜治必端其本而後可以不紊夫先後之序此
固君天下者所當知也茲朕欲勵精有爲期于化行俗
美紹復我

祖宗之舊以上追隆古之治如之何而可子諸生皆學古
通今明于王道宜有以佐朕之不逮者其各殫心以對
毋泛母略朕將采而行之

臣陳儒

臣對 聞帝王之治天下也存乎法帝王之立治法
也存乎道道也者涵養於一心推行於萬化而爲治

法之本法也者振舉於朝廷流通於天下而爲治道之用析之也其勢若相判統之也其幾實相因法自我立矣而本原之地不端則無以爲張弛運用之妙是謂徒法道自我存矣而施爲之方有乖則無以爲經緯化成之資是謂徒善竊其偏而未得其全具其用而或遺其體是皆區區於功利之習而何以望帝王隆盛之治哉帝王之治天下也存之爲內聖之體施之爲外王之用其顯設於朝廷者悉本之躬行心得之餘其建立於制度者非徒事粉飾文爲之具故其範圍之振風俗之隆而豐功偉績冠冕乎百世之上下後之言治者舉莫得而並焉帝王亦何以得此哉蓋其建立也有本推行也有序以道形之於法而非徒事於法也後世之君則脫略於身心矯強於事爲執法形之於治而實非出於道也道有純駁則治有隆污政有因革則世有否泰其機固有不可誣者君人者欲有以成天下之治顧可不致審於道以端其本哉恭惟

皇帝陛下

蓄德潛藩重繫黎元之望
飛龍大寶式昭離照之光

市錄
臨御以來勵精圖治

御經筵以新聖學任耆舊以代天工開言路以通下情
釐宿弊以祈至治天下蒼生罔不忻然有太平之望
蓋其

一念致治之誠直欲躋古帝王而上之固宜其嘉靖有
邦而四海仰德之如是也然猶不自滿假特進臣等
於

廷降

賜清問惓惓以績効未臻爲憂臣固知

陛下圖治之心固有不能自巳焉者臣不敏然荷

朝廷作養之恩而鼓舞於金追玉琢之下亦既久矣茲
幸遭逢可言之會敢無辭以對揚休命於萬一乎臣
聞天生民而樹之君所以爲民也書曰天降下民作
之君作之師惟曰克相上帝則所以順時揆事創制
立度以盡天下之務者容可辭其責於天下哉蓋人
君之致治也有二曰道曰法道非法不行法非道不
立臣嘗觀之記曰先王之致治也以設制度以立田
里大人世及以爲禮城郭溝池以爲固則所以維持
天下者固未始不本之法矣及觀其所以致大順之
實也則曰先王體信以達順夫是以至治馨香達於

上下山出器車河出馬圖龜龍在宮沼績効之成和
氣斯應焉茲豈偶然之故哉蓋天下無法外之治而
每神於大道之行建立紀綱分正百職順天揆事創
制立度治之法也治身齊家以至治天下治之道也
外法以求治則為伯為駁為驩虞外道以求法則為
智為詐為功利毫釐之差千里之謬世之升降恒必
因之記曰道隆則從而隆道污則從而污道本不污
也而人自污之則其治化始有不古若者矣臣請稽
諸經傳而以帝王隆盛之治為

陛下陳之臣聞義農之世太樸未雕法制之詳不可得而
知也及乎唐虞之世風氣漸開法制斯備焉今自其
大者言之如命伯夷典禮也而曰夙夜惟寅直哉惟
清則期大禮與天地同節矣命后夔典樂也而曰聲
依永律和聲則期大樂與天地同和矣禮樂之定何
如也命羲和欽若昊天星鳥以殷仲春星火以正仲
夏星虛以殷仲秋星昴以正仲冬而又在璇璣玉衡
以齊七政律曆之正何如也其疆理宇內也自黃帝
畫野分州得國萬區唐虞分天下為十二州夏弼成
五服至於五千商有九圍周有百里七十里五十里
之制蓋體國經野即傳之所謂物上之宜以分布其

利者也其設立庶官也黃帝以雲紀官故爲雲師而雲名唐虞之世內有百揆四嶽外有州牧侯伯夏有天地四時之官以承虞制殷有六太之官以典司六典有五官以典司五衆周則立太師太傅太保爲三公少師少傅少保爲三孤是即書之所謂天工人代建官惟賢之意也以分田制賦言之則有封山濬川之制有則壤成賦之規有曰貢曰助曰徹之法養民之義周矣以興學養士言之有虞氏曰上庠下庠夏曰東序西序殷周則曰右學左學春誦夏弦太師詔之秋學禮執禮者詔之冬讀書典書者詔之教民之

義詳矣謂選舉不嚴非所以薦庶績也則命鄉論秀士升之司徒曰選士司徒論選士之秀而升之學曰俊士升於司徒者不征於鄉升於學者不征於司徒曰造士造士之精如此謂考課不慎非所以勵衆志也則敷奏以言明試以功而太宰之職則歲終正歲會月終正月要旬餘正日成三歲大計群吏之治而誅賞之考課之慎蓋如此易之萃曰君子以除戎器戒不虞武固不可弛也則弧矢以服睽甘誓以伐遠張皇以震耀蓋寓兵於農而未始不之講矣易之噬嗑曰先王以明罰勅法刑固不可不慎也則五刑

以示天討庶政以肅人心輕典重典以治邦國蓋董
之用威而未始不之慎矣夫禮樂兵刑天下之大紀
綱也田賦官守天下之大規模也選舉考課天下之
大機要也而帝王之綜理無不周焉夫是以道洽政
治而風俗不變帝王亦何以得此哉臣嘗求其所以
然之故矣堯舜之爲道也曰允執厥中禹之爲道也
曰祗台德先湯聖敬日躋而率由典常文武緝熙聰
明而茲迪彝教蓋其本之心也至精而至密故其形
之治也可以久而可大雍熙泰和之治卓然爲萬世法
程者不以是哉降及後世則有不足以進於是者矣

漢高帝之創業也命叔孫通制禮儀命張蒼定章程
命蕭何定律令而後世有如文帝之玄默化民光武
之恢廓大度章帝之寬厚長者故王通稱爲七制獨
惜其襲於嬴秦之舊而不能講明乎帝王之法雖賈
誼請改正朔明禮樂而猶未遑文帝且爾他尚何望
哉故其治也雜伯唐太宗之創業也有國學四門學
律學書算學以儲其材有租庸調以均其役有府衛
兵制以嚴其武而後世有如憲宗之剛明果斷玄宗
之勵精政事故君子稱爲三宗獨惜其軼德闡
中而不能歛誇乎身心

戒而猶不慎太宗且爾他尚何望哉故其治也雜夷
宋藝祖之創業以文臣知州以朝官知縣嚴覆試之
法申覆奏之禁而後世之守成者如真宗之內修外
攘仁宗之寬厚仁恕亦庶幾可與有爲者然而五季
之風聲氣習猶未盡除立國之紀綱法度猶爲脫略
以是而進諸帝王之治臣未敢以爲必然也蓋數君
者或不事詩書或崇尚黃老乙夜觀書不聞乎正心
修身之學防非窒慾猶事於智謀取國之私故雖粉
飾於政治之間而道非其道矯強於文爲之末而法
爲徒法則其不足以進唐虞三代之隆有以哉宋儒

朱子之論有曰善爲治者必先有綱紀以持之於上
而後有風俗以驅之於下何謂綱紀辨賢否以定上
下之分核功罪以公賞罰之施夫是之謂紀綱何謂
風俗使人皆知善之可爲而必爲皆知不善之可羞
而必去夫是之謂風俗然必紀綱振於上而後風俗
成於下其幾則以宰執秉持而不敢失臺諫補察而
無所私人主又以大公至正之心恭已於上而照臨
之賢者必陟否者必黜功者必賞罪者必罰其致慎
於紀綱者嚴矣夫是以天下之人知善之當爲而翁
然不變知不善之當去而罔或不力其昭著於風俗

者美矣建立有本推行有序則夫君臣之間轉移振
舉孰有急於此者哉臣嘗反覆唐虞上下數千百年
之間而有以知宋儒之言爲必然矣其在唐虞三代
之爲紀綱也曰天子統三公三公率諸侯百僚師師
庶明勵翼紀綱之正何如也其在唐虞三代之爲風
俗也曰黎民於變比屋可封敬典在德允升大猷風
俗之正何如也自是而後其在漢也尚規模唐也尚
法令宋也尚忠厚廉耻是其紀綱似亦有可取者矣
然其後則不能無少變焉故矯飾外貌苛察爲明則
見於元和之詔藩鎮阻兵權臣跋扈陵夷有五代之

風而胡致堂之論宋事也則曰實則聚斂而名曰理
財用實則開邊而名曰討不庭是皆竊其近似而非
先王之紀綱矣其在漢也尚經術唐也尚詞章宋也
尚行檢是其風俗似亦有可予者矣然其後則不能
無少異焉故德色諛語出分出贅至形諸賈生之策
崇尚浮華文沿江左卒以失渾厚之體而司馬光之
論宋事也則曰采名不采實誅文不誅意是皆竊其
緒餘而非先王之風俗矣蓋紀綱振則風俗以之而
醇紀綱弛則風俗以之而雜其所以爲否爲泰端豈
外於是哉洪惟我

太祖高皇帝應天順人而統有華夏文明之地
太宗文皇帝繼體守成而克紹遺大投艱之責

聖聖相承道法兼備臣嘗究心而得其槩矣命牛諒以制
禮命陶凱以定樂璣衡有器司天有臺田畝檢踏於
國初官司分屬於職掌以至人材嚴科貢之條而賢俊
奮庸給由慎資望之選而幽明黜陟軍政則有統也
恤刑則有誥也是其經緯天地之功上躋乎唐虞整
齊民物之化匹休乎三代而漢唐宋之君亦安能與
之並駕哉

列聖相承益隆不替是以百五十年道洽政治蓋庶幾乎

古帝王時雍風動之休者

陛下入繼大統百度惟貞乃復以績效未臻和氣未應為
憂策臣等欲求其故且曰事必稽諸古而後有以驗
夫因革之宜治必端其本而後可以不紊夫先後之
序臣固知

陛下游心帝王之治而不以後世之小康者自安也臣請
為

陛下別白而重言之臣謹按禮經謂王者致五至而行三
無有無體之禮有無聲之樂今徒事於聲容儀節之
末而本原之地不之正也禮樂可得而興乎臣願

陛下莊敬以爲禮和平以爲樂而又推之以化導天下焉
則禮可備而樂可和矣臣謹按春秋無事而書秋七
月蓋四德備而後爲乾四時備而後成歲今徒事於
璣衡器數之設而修省之誠不之存也天人何由而
協乎臣願

陛下觀天時以察災祥順月令以修王政而司天隨時進
戒焉則曆大明而象自應矣疆理如故而誅求日甚
臣考之宣公而書曰初稅畝譏病民也則惟正之供
以復先王之舊也可乎官府如故而貪饕日恣臣考
之文公曰其勿以儉人其惟吉士欲知恤也則位事
惟能以復先王之舊也可乎建學養士其法亦嚴矣
而黷校少絃誦之聲昔人謂天子公卿躬行於上而
事可師法則臣之所望於

陛下者固欲正身修德以爲天下先矣選舉考課其意亦
善矣而在位惟資格之循昔人謂杜預之所爲不若
唐虞之考績則臣之所望於

陛下者固欲知人官人以爲群心勵矣周公之戒成王也
曰其克詰爾戎兵武固在所當講也而召公則曰明
王慎德四夷咸賓其所以示威天下者將不有在乎
春秋書曰隕霜不殺草李梅實刑固不可或廢也而

君子則曰尚德不尚刑其所以齊一天下者將不有在乎大抵天下之大統於一人一人之本在於一心心之正則天下可從而治心之邪則庶事以之而隳是故古昔聖人雖在紛華波蕩之中幽獨得肆之地而所以精之一之克之復之無所不至由是禮樂刑政四達不悖蓋端其本以建天下之極循其序以審因革之宜則其治功之成巍然煥然顧獨無所自哉故我

太祖嘗曰人君一心治化之本存諸中者無堯舜之心而欲施於政者有堯舜之治不可得也大哉

王言其固深知治道之所本者乎臣願

陛下遠師堯舜近法

祖宗勿謂盈成之足恃勿謂幽獨之可忽必主敬以存此心必講學以明此心必親君子遠小人以養此心矜持既久而

聖敬日躋施爲有序而王猷允塞將見推無不準動無不化績效何有於弗臻治化日隆休徵日至和氣奚有於弗應德可久業可大紀綱可振風俗可醇惟在聖心一轉移之間而已伏惟

留神省覽采而行焉豈非宗社無疆之慶哉臣冒干

天威無任隕越之至臣謹對

